



PREZIDÉNSIA  
**KONSELLU  
MINISTRUS**  
VIII GOVERNUN KONSTITUSIONÁL



Gabinete  
Porta-Voz

**Komunikadu Imprensa**

**Sorumutuk Konsellu Ministrus nian lora 29 fulan-janeiru tinan 2020**

Konsellu Ministrus hala'o sorumutuk iha Palásiu Governu iha Dili no aprova ona proposta Rezolusaun Governu nian, ne'ebé Sekretária Estadu Igualdade no Inklusaun, Maria José Fonseca Monteiro de Jesus, apresenta kona-ba implementasaun programa "Iniciativa *Spotlight* atu halakon violénsia hasoru feto no labarik-feto sira" ("*Spotlight Initiative to eliminate violence against women and girls*"). Iniciativa *Spotlight* hanesan iniciativa ne'ebé Uniaun Europeia no Nasoins Unidas lansa ho objetivu atu halakon forma violénsia nian hotu-hotu hasoru feto no labarik-feto sira iha mundu tomak. Iniciativa ne'e koloka tema violénsia iha sentru husi esforsu globál ba igualdade jéneru no empoderamentu feto nian. Programa ne'e sei hala'o iha Timor-Leste iha asaun hamutuk ida entre Governu, Sosiedade Sivil, Uniaun Europeia no Nasoins Unidas.

Konsellu Ministrus aprova ona proposta Deliberaun, ne'ebé Ministru Reforma Lejizlativa no Asuntus Parlamentares, Fidelis Manuel Leite Magalhães, apresenta kona-ba alterasaun ba Akordu Subvensaun no Implementasaun entre *Millennium Challenge Corporation (MCC)* no Governu Repúblika Demokrátika Timor-Leste, ba Dezenvolvimentu no atu fasilita implementasaun husi *Compacto Millennium Challenge*. Programa ida-ne'e sei haree liuliu kona-ba oinsá hatán ba dezafiu ekonómiku sira ne'ebé país ne'e hasoru, tuir saida maka Timor-Leste no MCC identifika hamutuk ona, ho objetivu atu halakon moris-kiak no hasa'e kreximentu ekonómiku nasionál no ninia komponente haat hanesan: fornesimentu bee moos, saneamentu no drenajen; edukasaun; nutrisaun; no rezolusaun disputa komersiál sira.



Palácio do Governo,  
Avenida Presidente Nicolau Lobato,  
Dili, Timor-Leste



PREZIDÊNCIA  
KONSELLU  
MINISTRUS  
VIII GOVERNUN KONSTITUSIONÁL



Gabinete  
Porta-Voz

Ministru Ensinu Superiór, Siénsia no Kultura, Longuinhos dos Santos, apresenta projetu Dekretu-Lei, ne'ebé Konsellu Ministrus aprova ona, ne'ebé regulamenta Fundu Dezenvolvimentu Kapitál Umanu. Dekretu-Lei ida-ne'e ninia objetivu mak atu altera kompozisaun Konsellu Administrasaun nian, atu nune'e bele inklui Ministériu Ensinu Superiór, Siénsia no Kultura, hodi regula orgánika no funsionamentu órgaun apoiu ne'e nian no estabelese regra no kritériu sira ba programa, projetu ka atividade sira ne'ebé Fundu ne'e bele finansia.

Konsellu Ministrus aprova Rezolusaun Governu nian, ne'ebé Ministru Negósíus Estranjeirus no Kooperasaun, Dionísio da Costa Babo Soares, apresenta, ne'ebé define medida lubuk ida atu prevene no kontrola surtu *Coronavirus* 2019-nCoV iha Timor-Leste no proteje comunidade timoroan ne'ebé hela iha *Wuhan*, Provínsia *Hubei*, iha Repúblika Populár Xina. Ho Rezolusaun Governu ida-ne'e, sei atribui verba ida hodi suporta despesa ba akizisaun ekipamentu no roupa, nune'e mós adekuasaun espasu fíziku espesífiku ba diagnóstiku kazu klíniku sira ne'ebé mosu karik, hodi prevene no kontrola risku husi propagasaun *Coronavírus* 2019-nCoV iha territóriu nasionál, no mós atu suporta despesa sira hodi foti sidadaun timoroan sira ne'ebé hela iha zona krítika provínsia xineza nian ne'ebé afetada no ho sira-nia dezlokasaun ba cidade Pekín ka Shanghai, sira-nia estadia no despesa sira seluk tan. Ministra Saúde iha ezersísiu simu mandatu atu fó instrusaun ba servisu aprovisionamentu hodi sosa ekipamentu urjente kona-ba sukat temperatura isin lolon nian no ekipamentu protesaun individuál, hodi reforsa kontrolu no identifikasaun ba kazu hirak ne'ebé deskonfia iha pasajen iha fronteira sira. Rezolusaun Governu nian ne'ebé hetan ona aprovasaun ne'e refere mós katak bainhira hasoru kazu ne'ebé deskonfia ba moras ne'e, sei asegura ezisténsia área izolada sira iha postu fronteira nian sira, ho hariis-fatin rasik ne'ebé la loke



Palácio do Governo,  
Avenida Presidente Nicolau Lobato,  
Dili, Timor-Leste



PREZIDÉNSIA  
KONSELLU  
MINISTRUS  
VIII GOVERNUN KONSTITUSIONÁL



Gabinete  
Porta-Voz

ba ema seluk, mobiliáriu, bee no hahán ne'ebé sufisiente, to'o ativasan transporte husi postu fronteira to'o Ospital Referénsia.

Ministru Petróleu no Minerais iha ezersísio, Agio Pereira, no Prezidente Autoridade Nasionál Petróleu no Minerais, apresenta ona proposta kona-ba Rezolusaun Governu nian, ne'ebé Konsellu Ministrus aprova ona, ne'ebé mai aprova alargamentu área husi Bloku A no Bloku C *onshore*, no halo alterasaun ba parte balun husi Rezolusaun Governu nian n. 39/2016, loron 23 fulan-novembru. Rezolusaun Governu nian ne'ebé hetan ona aprovasaun ne'e sei permite dezvoltimentu no esplorasun iha área sira ne'ebé besik Bloku A no C, iha ne'ebé identifika ona indísio sira kona-ba ezisténsia formasaun jeolójika sira ne'ebé iha potenciál ba dezvoltimentu no esplorasun.

Ikusliu, Ministru Defeza, Filomeno da Paixão de Jesus, simu poder tomak ba assinatura Memorandu Entendimentu ida no Akordu ida entre Ministériu Defeza Timor-Leste no mós Ministériu Defeza Xina nian. Memorandu Entendimentu ne'ebé sei asina ne'e ninia objetivu mak atu desenvolve no hametin relasaun kooperasaun nian sira entre país rua ne'e iha área defeza, hodi optimiza uzu, sustentabilidade no dezvoltimentu kapasidade defeza país rua ne'e nian. Bazeia ba memorandu ida-ne'e, sei realiza interkâmbiu ba delegasaun defeza nian no militar sira, kooperasaun iha formasaun no ezersísio militar sira no kooperasaun iha saúde militar. Akordu entre Ministériu Defeza husi País rua ne'e atu fó assisténsia militar gratuita husi Xina ba Timor-Leste, fornecimentu ekipamentu ba forsa armada nasional sira, ne'ebé inklui ekipamentu proteasaun nian, arma lijeira, veíku no tranzmisór sira. **REMATA**



Palácio do Governo,  
Avenida Presidente Nicolau Lobato,  
Dili, Timor-Leste